

術善養丹田保谷神

送張三丰遊遊

昔觀太極圖陰陽有反覆元氣止於坤天心又來復我皇振戎
衣羣真佐命出畫補周顛仙吹笙冷協律張氏尤多才各負英
靈骨臨山有鐵冠平陽產金箔先生與之三高風更卓卓眾人
皆有爲老翁竟無欲唐虞今在茲巢由獨快樂何我治心方得
公延命藥海天萬里遊因緣容後續

湘獻王柏

王高皇帝第十二子洪武十一年封之國荊州王善道
家言嘗自號紫虛子建文初薨

道藏輯要

三丰全集 贈石閒談

續畢集十

太和山尋張三丰故居

張玄玄靈神仙朝飲九渡之清泉暮宿南巖之紫煙好山浩劫
知幾度不與景物同推遷我來不見徒悽然孤廬高出古松巔
第有老猿接臂相攀緣張玄玄靈神仙遙仰神飈遊極表茅龍
喬鶴上青天

甯獻王權

王乃高皇帝第十六子洪武二十四年封二十七年之
國大甯永樂二年移居南昌博學好古旁通釋老志慕
冲舉自號臞仙蓋亦淮南八公之流也

太和隱士歌懷丰仙

太和隱士張三丰詔徵不至真潛龍老而得道立之宗長生久
視若喬松自古神仙吾靡從惟君能繼扶搖蹤不見高人世外
容令渠心性若塵封匡廬之山雲濛濛煙霞終日盪心胸先生
其來教我儂願隨鐵杖入瑤峯噫嘻乎所思不見弱水蓬山路
萬重

蜀定于友垓

王乃獻王椿孫悼莊世子好學循理工詩賦善草書著
有定園集十卷

題玄天觀憶丰仙

福地喜重來登臨亦快哉蓬壺連海島雲洞隔塵埃羽客乘鸞
去仙人駕鳳回談玄閑坐久欲去且徘徊

蜀惠王申鑒

王乃獻王椿曾孫著有惠園集

題三丰仙像贊

若有人兮出世匪常曩自中土移居湖方奇骨森立美髯戟張
距重陽兮未遠步虛靖之遺芳飄飄乎神仙之氣皎皎乎冰雪
之腸爰尋師而問道歲月亦云其遑遑既受訣於散聖復續派
於瓜王全一真之妙理契未判之純陽南遊閩楚東略扶桑歷
諸天之同府參化人而與翔曰儒曰釋曰老曰莊皆潛通其奧
旨乃懷玉而中藏長緜短褐至於吾邦吾不知其甲子之幾何

道藏輯要

三丰全集

贈石聞談

齋

續畢集十